

毛詩正韻

民國甲子五月

毛詩正韻

日照留餘堂丁氏藏板

序

詩之韻不專在句末召南有草蟲阜螽唐風有角枕錦衾此韻於句中者也其韻在句末者不專以二句相間小正有玼斚旣飲助我舉斚此韻於起止者也自錢曉徵始見端兆及孔撝約作詩聲類例益繁矣日照丁惟汾以其父丁君毛詩正韻見示其例則視撝約尤密有經韻緯韻間句韻連句韻連章韻起韻收韻線韻正射韻諸目就其所次一篇之中取韻者蓋過半昔太史公以爲詩三百篇孔子皆絃歌之以合韶武雅頌之音末世節奏已失然其用韻可見於今者嚴栗如此自非太師之教瞽宗之化孰得其度劑哉然後知風雅之非徒歌補亡之爲妄作也往者顧甯人始作本音分部以十孔撝約分部十八丁君復參王懷祖孔撝約二家分部以二十二經界益正條理益密

斯所謂集其大成金聲而玉振之者乎允非苗夔之倫所得赴其步驟者也世俗燕樂如周美成張炎所爲字皆中律不可假貸至於古詩則謂之縱意抑揚無有成式今觀正韻所明若大匠之執規槩猶王府之有和鈞分判綯綯亡得出入古之風律自是始宣明矣然則關雎之亂師摯治之曠歲二千末有丁氏斯乃成均之貞符東序之祕寶凡百小大宜所紬讀佚在閭巷無由布宣余甚惜之故爲之贊序道其隱約云爾章炳麟序

序

毛詩正韻五卷韻例一卷日照丁竹筠先生以此著也序其端曰粵在殷周詩必合樂六詩之作以律爲音音以損益爲宗律以陰陽爲判音律之協非徒聲類然音區侈弇律有濁清部同則侈弇易齊韻別則濁清頓判是其洪纖之等發斂之度合變赴節則異音相從審一定和必同聲相應故音和類隔實條理共貫往者浮聲之辨諍于沈陸響有雙疊杜律綦詳援後徵前宜無差互況瞽宗絃誦經制所昭詩合韶武抑聞洙泗顧云隨音所會莫見定臬成均之灋當弗其然然則詩之爲韻匪徒語末聲類所協必綜全簡顧陳第以前斯秘未睹顧孔而下說始萌芽雖達例克詳亦嫻帙莫次先生思亞子雲學綜許郭究體語之大原辨聲勢之區合爰肇類分組以經緯起止以齊之正

射以通之原始要終嘖而弗亂是則隱侯可作嘉其入神張敞
之功遜其正讀者矣夫六藝之文歸於瑱密擘經之術今密昔
疏韻之於詩辨章綦易揣緒未啟所昧實多甄辨偶施典據遂
顯世有達者觸類而長卽韻比音以達神悒則師摯之始不遠
可復雅頌得所重驗於今豈徒侈鏗鏘之節飾補亡之陋哉劉
師培序

毛詩正韻贊

靳春黃 侃季子譔

求古韻者以詩三百爲埠則然自顧江以降但求之于句末王孔始知句中有韻而推索未周日照丁先生冥心覃思數十年至老乃成毛詩正韻一書據古韻二十二部以求詩句中之韻立例數十稽譌其說信而有徵蓋王孔所不能上夫詩歌聲律其事相依律之調均不限于結聲詩之取韻寧局于句末且成均樂語言語並蒙其名誦詩三百應對實覘其效爾則文之有韻不必有終發言成調參差相應譬猶珩珮隨步而宮玉雜鳴綺組成文而玄黃合采知丁氏之義則于有韻爲文之說復何疑乎若沈休文徒知低昂浮切之殊尙自矜爲勦獲況于先生遠溯遺經獨明成均之法者哉誠歡拚贊歎所不能已者也

毛詩韻例

日照竹筠丁以此

上疊韻

葛覃三章薄汙卷耳一章嗟我甘棠一二三章蔽芾凱風四章覲皖之類

下疊韻

卷耳三章永傷兔置二章好仇卷耳二章崔嵬虺隤之類

中疊韻

卷耳一章盈頃樛木一章履綏采芣一二三章以采言還之類

上三疊韻

關雎四章輾轉反定之方中一章作于楚氓六章淇則有不思其之類兼同韻者殷其雷振振君鳩羽肅肅鳩之類兼隔

字同韵者無羊二章何蓑何縣一章陶復陶之類

下三疊韵

關雎三章之不得四章右采之行露二章女無家三章風無
牙之類兼同韵者新臺一章水瀾瀾氓一章之蚩蚩之類兼
隔字同韵者縣蠻之誨之之載之之類

間弟二字三疊韵

終風一章譁笑傲凱風三章爰寒泉大叔于田二章兩上襄
檜羔裘二章羔逍遙之類兼同韵者葛覃一章維蓂蓂桃夭
一二三章桃夭天之類兼隔字同韵者有女同車將將翔伐
檀不不槁之類

間弟三字三疊韵

簡兮三章赫如赭北風三章莫赤狐之類兼同韵者卷耳一

章采采耳思齊三章雍雍宮之類

間弟二字弟四字三疊韵

騶虞一二章吁乎虞式微一章胡乎露之類

上下疊韵

葛覃服之無斃蜉蝣蜉蝣之翼四牡周道委遲之類兼同韵者兔置肅肅兔置赳赳武夫之類

四疊韵

鳴鳩其子在梅其子在棘之類兼同韵者芣苢采采芣苢小弁蹶蹶周道之類兼隔字同韵者女曰雞鳴子之來之常武不測不克之類

上間字韵

關雎一章在之窈淑羔羊一章三章素五侯人四章薈蔚巷

伯一章萋菲之類

下間字韵

關雎二四五章右之漢廣一二三章之矣邶柏舟三章可也
五章居諸之類

中間字韵

載馳四章如所鹿鳴二章子則式以之類

上下間字韵

羔羊素絲五緘鄭羔裘羔裘豹飾斯干烏鼠攸去之類兼同
韵者無田甫田婉兮變兮之類

間二字韵

行露二三章何我狡童一二章不食之類

首尾韵

汝墳一二章遵墳北風三章莫莫烏定之方中二章望堂景京
三章命人之類

上同韵

關雎一章關關雎斯一章詵詵振振之類

下同韵

葛覃一二章喈喈莫莫鵲奔一二章奔奔疆疆之類

中同韵

溱洧一章渙渙素冠一章樂樂溥溥北山三章燕燕四章慘
慘之類

上下同韵

采芣曄曄灼灼常武赫赫明明君子偕老委委佗佗之類

上間字同韵

毛詩均列

葛覃二章是是爲爲三章言言曷曷之類

下間字同韵

殷其雷一二三章斯斯綠衣一二三四章兮兮之類

中間字同韵

谷風五章育育還一二三章我我之類

上下間字同韵

關雎悠哉悠哉殷其雷歸哉歸哉碩鼠碩鼠樂郊樂郊

之類

首尾同韵

碩人一章衣衣丰三四章衣衣裳裳東門之枌一章子子之

類

右單句類

連句疊韻

卷耳一章人賓草蟲二三章山言載馳一章侯驅之類

連句間字韻

谷風一章風陰竹竿二章行兄之類

連句弟一字韻

野有死麕一章野白綠衣四章絺淒凱風一章棘母雄雉三章悠道之類

連句弟二字韻

卷耳二三章馬姑桃天一二三章子其汝墳三章則母羔羊一章絲食之類

連句弟三字韻

桃夭二章于家草蟲一章草阜擊鼓五章闊活洵信之類

連句弟四字韵

關雎一章鳩洲葛覃一章萋飛三章否母草蟲一章蟲螽之類

連數句弟一字韵

野有死麕三章舒無無凱風三章在有母旄丘四章流叔哀
鄰柏舟一二章之母不之類

連數句弟二字韵

日月二章居土如叔于田一二章于無無如之類

連數句弟三字韵

卷耳四章祖瘠痛吁喬木一章休游求廣泳永方鵲巢一章
居于御之類

連數句弟四字韵

關雎三章得服哉側葛覃二章莫蓂綌綌之類

連句同韵

北門二三章我我君子偕老三章揚揚氓六章老老之類

連句間字同韵

凱風一章心心鹿鳴一章我我之類

連句第一字同韵

匏有苦葉二章有有四章人人谷風三章毋毋君子偕老二章胡胡之類

連句第二字同韵

葛覃三章告告泮泮相鼠一二三章而而葛藟一二三章他他之類

連句第三字同韵